

Itilliarsoop ikerasaliorgineqarnissaa piviusunnngorteqqullugu Naalakkersuisut suliamik aallartitseqqullugit peqquneqarnissaannik Inatsisartut aalajangiiffigisassaattut siunnersuut. Ikerasaliaq Nordstar 30-imit assigisaanilluunniit aqcutigineqarsinnaasunnngorlugu isissusilerneqarlunilu silissusilerneqassaaq.
(Inatsisartunut ilaasortaq Anders Olsen, Siumut)

pillugu

Sanaartornermut Ataatsimiititaliap

siunnersuutip aappassaaneernejarneranut

ISUMALIUTISSIISSUTAA

Ataatsimiititaliap suliarinninnermini kingullermik ilaasortarai:

Inatsisartunut ilaasortaq Kristian Jeremiassen, Inuit Ataqtigiit, formand
Inatsisartunut ilaasortaq Anders Olsen, Siumut
Inatsisartunut ilaasortaq Harald Bianco, Inuit Ataqtigiit, ataatsimiititaliamut sinniisoq
Inatsisartunut ilaasortaq Emanuel Nûko, Naleraq
Inatsisartunut ilaasortaq Hans Peter Poulsen, Siumut

UKA2021-imi ulloq 21. oktober 2021 siullermeerinninnerup kingorna ataatsimiititaliap siunnersuut misissorpaa.

Siunnersuutip imarisaa siunertaalu

Itilliarsummi Naalakkersuisut ikerasaliornissamik aallartitsinissaannik peqquneqarnissaat siunnersuuteqartumit kissaatigineqarpoq. Ikerasaqalernerimi assersuutigalugu Qaqortup Alluitsup Paallu akornanni, angallatit 30 fod-i tikillugu angissusillit ikerasakkoorerisigut, Saarloq kitaallugu angalanissaat pisariaqarunnaassammat immakkut angalanerit naanerulerlutillu isumannaannerulissapput.

Siunnersuutip Inatsisartunit siullermeernejarnera

Partiinit ilalersornejarnera assigiinngisitaartoq ataatsimiititaliamit maluginiarneqarpoq. Naalakkersuisut siunnersuummik itigartitsinerat Inuit Ataqtigiinniit aamma Naleqqamiit isumaqatigineqartoq, Naleqqamit, ikerasaliernerup kittaarluni sanaartorneqarsinnaanera nalilersortariaqartoq oqaatigineqarpoq. Siumut aamma Demokraatit siunnersuummut tapersiipput,

siunnersuutilli aningaasalersorneqarnissaata siunnersuuteqartumit qanoq takorloorneqarnersoq apeqqutigalugu.

Ataatsimiititaliap siunnersuummik suliarineqarnera

2017-miit maannamut Itilliarsummi ikerasaliornissaq arlaleriarluni Inatsisartunit oqaluuserineqartareersimasoq Sanaartornermut Ataatsimiititaliamit maluginiarneqarpoq. Upernaakkut 2017-mi ataatsimiinnermi Naalakkersuisut allannguutissatut siunnersuuteqarnerat tunngavigalugu, ikerasaliornissamut aalajangernissamut atorneqartussanik misissuinernik pisariaqartinneqartunik Naalakkersuisut aallartitsinissaannik peqquneqassasut aalajangiunneqarpoq. Tamatumunnga atatillugu “Kalaallit Nunaanni imarsiornermut atugassanik ikerasaliornissamik pisariaqartitsineq pillugu nalunaarussiaq”, suliarineqarpoq taannalu 2019-mi upernaakkut ataatsimiinnermi agguanneqarpoq. Siunnersuuteqartup nalunaarussiaq pineqartoq matumani aalajangiiffigisassatut siunnersuuteqarnermini aallaavigaa.

Siunnersuuteqartup oqarneratut siunnersuummut assingusoq 2019-mi ukiakkut ataatsimiinnermi, UKA2019/44 suliarineqarpoq: Itilliarsummi ikerasaliortoqarnissaanik Naalakkersuisut peqquneqarnissaanik Inatsisartut aalajangiiffigisassaattut siunnersuut. Naalakkersuisut tassunga atatillugu allannguutissatut siunnersuuteqarput:

“Itilliarsummi ikerasaliornissaq pillugu aalajangiinissamut tunngavissanik naammattunik suliaqarnissamut Naalakkersuisut peqquneqarnissaat pillugu Inatsisartut aalajangiiffigisassaattut siunnersuut, tassani pingaartumik aningaasaqarnikkut periarfissaqarfiusut, pinngortitamut sunniutaasussanik misissueqqissaarneq aamma imarsiornerup isumannaatsuunissaa nalilersorneqassallutik, aammalu taakkua immikkoortunut pilersaarutitaqartumik attaveqatigiinnermut nunap immikkoortuani aamma nunami namminermi pilersaarummi ilanngunneqartussanngorlugit, tassani aamma ikerasaliornissamut kommunip aamma Namminersorlutik Oqartussat akornanni akisussaaffiup agguagaanera allassimassalluni.”

Immikkoortup aappassaaneerneqarnissaa 2020-mi upernaamut ataatsimiinnissamut kinguarinneqarpoq.

Sanaartornermut Ataatsimiititaliap oqaaseqatigiit tulliuuttut allannguutissatut siunnersuuteqarluni isumaliutissiissuteqarnermini ilannguppai:

”Aalajangiinissamut tunngavissat 2020-mi ukiakkut ataatsimiinnissamut Inatsisartunut nassiunneqassapput”.

Immikkoortorli upernaakkut naammassillugu suliarineqanngilaq, aappassaaneerneqarnissaali 2020-mi ukiakkut ataatsimiinnermi suliarineqartussanngortinneqarpoq. Covid-19 peqqutigalugu immikkoortut arlallit – soorlu imm. 44 – 2021-ip aallartinnerani ukiukkut ataatsimiinnissamut kinguarinneqarput. 2021-mili ukiukkut ataatsimiinnissaq inatsisartunut qinersisoqarnissaa pissutigalugu unitsinneqarpoq, taamaammallu aalajangiiffigisassatut siunnersuut

aamma allannguutissatut siunnersuut akuersissutigineqanngillat.

Naalakkersuisut allannguutissatut siunnersuutaanni, aalajangiiffigisassatut siunnersuut pineqartoq, kommunit Namminersorlutillu Oqartussat akisussaaffimmik agguataarinissaannik aalajangersaanissaq pineqartoq suliarineqarnikuunngitsoq ataatsimiititaliap paasivaa. Taamaammat suli kommunit Namminersorlutillu Oqartussat akisussaaffimmik agguataarinissaat qulaajarneqarnikuunngilaq. Akisussaaffimmik agguataarinerup qulaajarneqarnera Itilliarsummut kisimi tunnganani, siunissamili allanik ikerasaliortoqarnissaanik nalilersuilluni suliaqarnissani pisariaqartinneqarumaarput.

Nalunaarusiaq pillugu kommunit aggersarneqarumaartut, tassani ilaatigut suliniutit pingaarnersiorneqarneri aningaasalersorneqarnerallu oqaluuserineqassasut Naalakkersuisut matumani siunnersuummut akissuteqarlutik allapput. Kommuninik oqaloqateqarnerni ilaatigut ikerasaliornerni akisussaaffiit aningaasalersuinermilu nammatassat suliassallu agguarneqarnissaat qulaajarneqarniarloq ataatsimiititaliap paasivaa.

Maannakkut Nunatta karsianit ikerasaliornissanik salliutitsilluni aningaasaliisoqarsinnaanngitsoq Naalakkersuisut siunnersuummut inassuteqarnerminni tunngavilersuutigivaat. Tamanna ataatsimiititaliamit tusaatissatut tiguneqarpoq, peqatigisaanilli maluginiaqqullugu, akisussaaffiit agguataarneqarneri pillugit, Nunatta karsiata ikerasaliornerni suliniutit qanoq annerutigisumik sunnuteqarsinnaanera pillugu kommunit oqaloqateqarnissaq ikerasaliornerni pingaaruteqalersinnaammata. Taamaammat oqaloqatigiinnerit taakkua pingaarnertut inissillugit imarisaanillu inerniliinerillu pillugit ataatsimiititaliamut ingerlaavartumik ilisimatitsisarnissamik Naalakkersuisut kaammattorneqarput.

Naalakkersuisut kommunit oqaloqateqarnissaannut atatillugu, siullermeerneqarnerani periarfissatut taaneqartoq ”suliniutit tulleriissaarlugit”, oqaloqateqartarnerni ilanngullugu eqqartorneqartassasoq ataatsimiititaliamit kaammattuutigineqassaaq.

Siunnersuutip aningaasatigut kingunissai

Inatsisartut suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinnerani aningaasaqarnikkut allaffissornikkullu kingunerisassat siunnersuutip tunngavilersuutaani aallaaserineqassasut.

Siunnersuuteqartup kingunerisassai pillugit allaaserisaqarnermini ”Kalaallit Nunaanni imarsiornermut atugassanik ikerasaliornissamik pisariaqartitsineq pillugu nalunaarusiaq” aallaavigaa.


Ataatsimiititaliap inassutai

Ataatsimiititaliami amerlanerussuteqartut Siumup Naleqqallu ilaasortaatitaasa allannguutissatut siunnersuut matuma kingulianiittoq **akuerineqassasoq inassutigaat:**


”Itilliarsoop ikerasaliorfigneqarnissaanut missingiummik c-mik juli 2022 nallertinnagu saqqummiusseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut. Ikerasaliaq Nordstar 30-mit assigisaanilluunniit aqqutigineqarsinnaasunngorlugu itissusilerneqarlunilu silissusilerneqassaaq.”

Ataatsimiititaliami ikinnerussuteqartut Inuit Ataqatigiit ilaasortaatitaasa allannguutissatut siunnersuut **itigartinneqassasoq inassutigaat.**

Taama oqaaseqarluni isumaliutissiisummilu allassimasutut paasinnilluni ataatsimiititaliap siunnersuut aappasaaniigassanngortippaa.




Kristian Jeremiassen
Siulittaasoq




Anders Olsen



Harald Bianco



Emanuel Nûko



Hans Peter Poulsen